



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Conciliorvm Omnivm Generalivm Et Provincialivm Collectio Regia**

Ab anno MCLXXXI. ad annum MCCCXIV.

**Parisiis, 1644**

Vita Clementis Papae V.

**urn:nbn:de:hbz:466:1-15974**

dem fauorem impertiit, sed ad breue tempus tamen vti pileo rubeo prohibuit. Cardinalibus aliquot creatis, res Italia componere studuit, vt, iis sedatis, Christianis in Syria laborantibus auxilium ferre posset. Verum in ea deliberatione Perusium profectus, ibidem mortuus est ipsis Nonis Iulii anno 1304. cum sedisset menses octo, & dies septemdecim, in ecclesia fratrum Prædicatorum sepultus est. Miracula ab ipso edita sanctitatis eius sunt euidentissima signa, nam ægrotos sanauit, & dæmoniacos liberauit. Post eius mortem sedes tredecim menses, & duos dies vacauit.



## V I T A

## CLEMENTIS PAPÆ V.

ANNO  
CXXV  
1305

CLEMENS quintus Vasco, Bertrandus Gotto ante nomenatus, ex episcopo Burdigalensi electus fuit ipsis Nonis Iunii, anno 1305. tempore Alberti imperatoris. Hic Burdigala Lugdunum pertransiens, eo omnes cardinales conuocauit, curiamque Romanam in Gallias traiecit, vbi septuaginta & amplius annis perseuerauit. Coronationi illius rex Franciæ, frater eius, & dux Britannia interfuerunt. Sardiniam Friderico Sicilia regi dono dedit, ea solum conditione, vt ex ea Saracenos abigeret. Sectam Fratricellorum hæreticorum, ordinemque Templariorum multis erroribus implicitorum, Concilio Vienneensi exterminauit. Venetos, qui cum præiudicio ecclesiæ ad Ferrariensem principatum aspirabant, excommunicauit. Idem bis contra Florentinos & Lucenses tentauit, quod ab armis contra Pistorienses sumptis abstinere nolent, absolutionem tamen postea, quod in Ferrara recuperanda pontificem iuissent, consecuti sunt, Robertum, patre eius mortuo, regno Neapolitano inuestiuit. Henricum ducem Luxemburgensem imperatorem electum confirmauit, ea conditione, vt post biennium coronam accepturus Romam veniret. Bonam pecuniæ summam ad Lateranum incendio absumptam restaurandam misit. Diuersis ordinationibus plures cardinales creauit. Columnenses restituit: Nogaretium & Sciarrã ad instantiam & petitionem regis Franciæ absoluit. Verum Bonifa-

cium, quod idem rex fieri importune sollicitabat, damnare & improbare noluit. Cælestinum V. quem Petrum confessorem nominauit inter sanctos retulit. Ad extremum morbis exagitatus migravit e vita XII. Kalendas Maii, anno Christi 1314. cum sedisset annos octo, menses decem, & dies sexdecim. Sedes duobus annis, tribus mensibus, & septemdecim diebus vacauit. Clemens maiorum suorum secutus vestigia, legem a Gregorio latam confirmauit, & secundum Panuinium aliquid ei adiecit.

ANNO CHRISTI 1310.  
CONCILIVM SALTZBURGENSE I.

CAUSA DECIMARVM SEDI APOSTOLICÆ soluendarum, habitum anno Domini MCCCX. tempore Clementis papæ V.

ANNO Domini MCCCX. conuocato provinciali Concilio Saltzburgi, & proposita ibidem petitione domini Clementis papæ quinti, concordauerunt omnes in hoc quod summa decimæ duorum annorum, si qua fuerit, vel esse potuerit persoluenda, solui debeat summo pontifici in terminis infrascriptis: ita dumtaxat quod primus terminus solutionis faciendæ de primo anno, qui incipiet in isto proximo festo sancti Georgii, sit in proximo futuro festo beati Martini: & secundus terminus solutionis faciendæ eiusdem anni sit in proximo subsequenti festo sancti Georgii: & primus terminus secundi anni sit in alio subsequenti festo sancti Martini: secundus vero terminus & vltimus sit post hoc in subsequenti festo sancti Georgii: & quod decimam dabit de omnibus possessionibus, bonis, & redditibus, & beneficiis ecclesiasticis. Hæc de eis quæ beneficio-